

# Hosea Isrel äbot uwä kubokäret webe bumik

## 5

### *Hosea 5:15*

#### *Isrel ämawebe bänepi bureni nämo sukurenkuŋ*

15\* Yawetä ŋode yänkuk;

Näk ämawebenaye mäde ut yämiŋpäŋ komenaken kuŋira momini täŋo kowata nadäwä tärewäkan äyänutpäŋ näkä täŋkentäŋ yämikta kaŋ wäyäkŋewut. U komi nadäŋpäŋ näkken äneŋi äbäкта piäni kaŋ täŋput. Ude täŋpöpäŋ uyaku äneŋi dubiniken kwet.

## 6

### *Hosea 6:1-6*

<sup>1</sup> Upäŋkaŋ ŋode jop yäk täkaŋ; Yäke! Nin Yawe dubiniken äneŋi kuna yäk. Uwä nin nidäpmäŋpäŋ täŋpän waŋkuŋo upäŋkaŋ nadäkamäŋ; U jibi meni äneŋi api uwäktäŋ nimek yäk.

<sup>2</sup> Bureni, kepma yarä ba yaräkubä täreŋirän unitä api nipmaŋpän tägane. Ude täŋirän ukät äneŋi bänep kubägän täŋpän api it yäpmäŋ ärone yäk.

<sup>3</sup> Eruk, Yawe nadäŋ imina. Unitäŋo mebäri ket nadäkta epäni gwäk pimiŋpäŋ täna! Ude täŋitna kome dapuritä tamimaŋ tamimaŋ bureni api äbäk täŋpek yän nadäk täkamäŋ, ba

\* **5:15:** Lo 30:1-3; Sam 50:15, 83:16; Luk 13:25

iwäntä iwän kadäniken bureni tak täyak yän nadäk täkamän udegän Yawetä bureni api ahän nimek yän nadäkamän.

<sup>4</sup> Ämawebetä ude yänirä Yawetä node yäwetkuk; Wära! Isrel äbot, jide api täñ tamet? Ba Juda äbot, in imaka, jide api täñ tamet? Näka gäripi nadän namik täkañ uwä tamimañ täño gubamtä ahänpäñ bäräñeñ äbutkuk täkañ ude. Ba guk näburum edaptä äbä täpuri inirän paot täkañ ude.

<sup>5</sup> Mebäri unita näkä profetnaye ätu peñ yäwerira inken päñku mena jinom yänahänpäñ täwetkuño unitä in tadäpmänpäñ madän jukut-jukut ude täñkuk. Bureni, täwetpäñ yäpä-siwontak mannatä ahän tamiñpäñ kädet näkä gäripi nadäk täyat u yän-kwawatañ tamiñkuk, yäpätä kwinitpäñ penyänek täyak ude.

<sup>6</sup> \* Nadäkañ? Näk gupe kábäñi nimek ijin namikta nämo nadätat. Nämo, intä ämawebeta nadän yämikinik täñpeñ kuñatta nadäk täyat. Ba tom madänpäñ ijin namikta nämo, Anutu näkño mebäri nadäwä tärekta nadäk täyat.

## 11

*Hosea 11:1-4, 8-9*

*Anututä ämawebeniye nadän yämikinik täk täyak*

<sup>1</sup> \* Yawe näkä node yäyat; Isrel u nanak täpuri irirän gäripi nadän imiñkut. Nanakna u Isip kome irirän gera yänjira äneñi äyänutpeñ äbuk.

---

\* **6:6:** Sam 50:8-13; Ais 58:6; Mat 5:7, 9:13, 12:7; 1Jo 2:3, 3:6

\* **11:1:** Kis 4:22; Mat 2:15

<sup>2</sup> \* Upänkan näkä dubinaken äbut yänpän gera ehutpän yänira ämawebe unitä ehutpän mäde ut naminğun. Ämawebenaye uwä anutu jopi Bal ba anutu jopi ätuta ärawa tänpän gupe kábäni nitek ijin imik tänğunik.

<sup>3</sup> Butewaki, Isrel ämawebe u näkña-tägän ini kuñatta tänpän yäwoñärek tänkut, ba bäyan yäpmänitpän yäpmän kuñatkut. Ude tänpän watä säkgämän it yäminküropän u näkä täyat yän nämö nadänğun.

<sup>4</sup> \* Näk gäripi nadän yäminpän oranpän yän-yäknat yäpmän päbä gämotnaken yepmanpän yäniñ oretkan ketem säkgämän yepmän towinikut.

... <sup>8</sup> \* O Isrel, jide tänpän mäde api ut tamet? Ba jide tänpän api tabä kätäwet? Ude täga nämö! Atma kenta Seboim nanik däpmän morenkuro udegän inta täga nämö api tänpet. Imata, inta gäripi pähap nadätat unita ude täkta bitnätat.

<sup>9</sup> Näk inta kokwawak tañi nadäk täyat upänkan uterak kowata nämö api tamet. Nämö, Isrel ämawebe in äneñi nämö api tadäpmän paoret. U imata, näkño kudän uwä äma täño kudän ude-wanigän nämö. Nämö, näk Anutu, Kudupi Äma bämopjinken irani u. Täktäkna u inigän kubä. Unita kokwawak terak inken nämö api ärewet.

---

\* **11:2:** Luk 13:34; Jon 3:19; Apos 7:51; 2Ko 2:15-16  
11:29-30; Jon 6:32-58, 12:32; Rom 2:4, 11:22; 2Ko 5:14  
29:23; 2Pi 2:6; Jud 1:7; Sam 106:45; Jer 3:12

\* **11:4:** Mat  
\* **11:8:** Lo

**Anutu Täño Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 18 Apr 2025 from source files dated 31 Aug 2023

914cbf46-f59a-54d1-b209-0f763534edb5